

Badische Landesbibliothek Karlsruhe

Digitale Sammlung der Badischen Landesbibliothek Karlsruhe

Alexandri Magni Regis Macedonum vita

Gualterus <de Castellione>

Argentin., 1513

VD16 G 3848

Liber Septimus

[urn:nbn:de:bsz:31-327103](https://nbn-resolving.org/urn:nbn:de:bsz:31-327103)

ARGVMENTVM



Septimus in dominum seruos liber ar
 mat & eius (la trudit
 Iusticiam ostendit; tandemq; in vincu
 Interea victos vestigās magn9 abactos
 Confecit sceleris confuso marte mini9

Tunc demū iaculis Darius confessus in ipsa (stros,
 Morte polistrato viuos dum quereret amnes
 Extremas voces & verba nouissima mandat
 Inuentum macedo corpus rigat vbere fletu
 Ac sepelit. rursus vulgi procerumq; tumultus
 Comprimit; & rapido cursu bacchatur in hostes.

Liber Septimus

Restitit hesperio; merensq; in littore phœbus
 Defessus herebat equis. tristisq; remissa
 Luce retardabat venturę noctis habenas
 Et tantum visura nephas Latonia terris
 Virgo morabatur roseos ostendere vultus
 Sed lex eterno quę colligit omnia nodo
 Et facer orbis amor quo cuncta reguntur vtrumq;
 Corripuit. iussitq; vices explere statutas
 Iamq; vaporantem fumabat thetyos vnda
 Vorticibus clausura diem. requiemq; petebat
 Humanus cum sole labor. sed pœna manebat
 Occasum facturus erat cum vespere mundi
 Lugentem Darium. positusq; in vespere mundi
 Clauserat infelix tentoria solus apud se
 Dese consilians; sed debile semper & expes

ALEXANDREIDOS

Consilium miseri vitamq; trahentis in arcto
 Et tamen hæc secum, quos me pater impie diuum
 Detrahis in casus: quo me parat alea fati
 Perdere delicto: superi quo crimine tantas
 Promerui pœnas: cui nec locus inter amicos
 Et notos superest; nec enim securus: apud quos
 Debueram dominus tutam deponere vitam
 Sed sitit hanc animam: manifesto senior hoste
 Inq; senis iugulum parat arma domesticus hostis
 Si fuit indignum tanto dyademate cingi
 Toriusq; a sye Darium ditione potiri
 Si male subiectos rexit; si iura tyrannus
 Publica vel patrias tentauit soluere leges
 Si ciues armis; populumq; tyrannide pressit
 Si cum iudicio resideret censor iniquus
 Auertit furdas; a causa pauperis; aures
 Si partem iniustam corruptus munere: fouit
 Si mihi persuasit funesta pecunia iustum
 Vendere iudicium; si fundum tristis auitum
 Et patrias vites; per me sibi fleuit ademptas
 Filius exheres, si iura fidesq; perosus
 In stadio mundi; non munda mente cucurri
 Iam mortem merui. fati nec deprecor horam
 Iam satis est superi/ vestro quod munere vixi
 Crudescant furie Belli; deseuat in me
 Narbazones. gelidocq; senis perfusa cruore
 Tota domus iustas compescat numinis iras

LIBER SEPTIMVS

Sed si iusticię cultor: si iura sequutus
 Nil egi: nisi quod rationis litera dicit
 In quantum natura sinit: petulanſq; nociue
 Conditio carnis. gladios remouete clyentum
 A domini iugulo: proſit vixiſſe per eum
 Innocue Darium, mors conuertatur in illos
 Qui meruere mori: liceat modo viuere: proſit
 Simplicitas iuſto, noceatq; nocentia fonti
 Quod ſi fixa deum manet imperioſa voluntas
 Si mihi fatorum ſeries immobilis: auras
 Vitales auferre parat: vitamq; coarctans
 Atropos: inciſum maturat rumpere filum
 Cur alijs liceat de me plus quam mihi: vel cur
 Narbaſoni ſeruatus ero: ſuffraſtus achiuis
 Nunquid adhuc ſanguis nũqd mihi dextera: nunqd
 Enſis: vt hanc dubitem fatis abſoluere vitam
 Sic ait, & gelido terebraſſet viſcera ferro
 Sed ſpado qui ſolus aderat tentoria planctu
 Caſtraq; commouit: dehinc erupere citati
 Cum lachrymis alijs regem cecidiſſe gementes
 Barbarus in caſtris vlulatus: & ic̄ta tremendo
 Rura fragore tonant: tremuluſq; reliditur aer
 Nec capere arma ſui: gladios ne forte clyentum
 Incurrant audent: ſed ne videantur inique
 Deſeruiffe ducem: monet arma capere Perſas
 Cum pietate fides, ſed terror vincit vtrumq;
 Excullitq; potens reuerentia mortis: honeſtum

ALEXANDREIDOS

Ecce per attonitos rapientes agmina; Perfas
 Sacrilegi comites; strictis mucronibus assunt
 Irrumpuntq; aditus, & circumstantibus ense
 Dispersis; regem quem iam expirasse putabant
 Vinciri faciunt, proh quanta licentia fati
 Quam vaga: quę versat humanos alea casus
 Quem prius aurato curru videre sedentem
 Et tremuere sui; iam non suus ille suorum
 Vincitur manibus; & in arcta sede locatur
 Captiuumq; trahit; currus angustia regem
 Attamen vt regi saltem pro nomine; nullus
 Non habeatur honos, vincere precipit aureis
 Compedibus dominum; truculentior aspide suos
 Regia diripitur; ceu belli iure supellex
 Vtq; auidos pressit inuenta pecunia currus
 Per scelus extremum partis iam rebus onusti
 Intendere fugam; quo tenditis agmine facto
 Eoum facinus; scelerum fraudisq; ministri
 Quę vos terra feret; vbi tanti tanta latebit
 Impostura mali; quis tute ducere vitam
 Sub seruo poterit domini sitiente cruorem
 Interea summis accincto milite; rebus
 Vestigans raptō, Darij vestigia cursu
 Terrarum domitor, ebraactana cingere facta
 Obsidione parat; profugumq; capescere regem
 Et delere armis euersam funditus urbem
 Extremamq; manum longis imponere bellis

LIBER SEPTIMVS

Cum tamen audiret Darium mouisse: fugęq;
 Intentum celeri; liquisse bractana ceptum
 Haud mora; flecūt iter; & Persidis arma relinquens
 Insequitur profugos: animi calcaribus actus
 Et quia tendentem: fame vulgauerat aura
 In mediam Darium; dehinc bracta subire volentem
 In mediam transire parat, sed certior ipsum
 Nuncius auertit: detrusum in vincula regem
 Affirmans: seriemq; rei pulchro ordine pandens
 Horruit auditis macedo: ducibusq; citatis
 Est breuis iste labor; & premia digna laboris
 Qui superest socij: Darium non hic procul inquit
 Destituere sui: vincumq; suprema reseruant
 Ad mala fortunę: finem metamq; laborum
 Aut iam succubuit fatis; aut munere vite
 Inuitus fruitur: piger ergo citatius equo
 Castigandus equus. & precipitandus in hostem
 Est gradus afflicto vitam donemus vt hosti
 Nec minus est: postq; cepit miserabilis esse
 Parcere confracto: quam frangere posse rebellem
 Applaudunt proceres responso regis; & instant
 Seq; sequuturos per summa pericula spondent
 Ergo inito cursu; mundi fatale flagellum
 Agmen agit macedo; somnoq; medente: diurnum
 Non releuat fessis requies nocturna laborem
 Talis in aduersos Iouis irruit ira gygantes
 Fulmine, quam dextram fingunt armasse poetę

ALEXANDREIDOS

Cum iam centimanus celo nodosa Typhœus
 Brachia porrigeret, martem flammare videres
 Pallada vipereos clypeo pretendere vultus
 Telasq; fatali spargentem Delyon arcu
 Ventum erat in vicum stellis nascentibus, in quo
 Vinxerat Arsamidem; furiato pectore Bessus
 Occurrere duo: qui prodigiale perosi
 Flagitium Bessi, patricidarum comitatu
 Tutius esse putant: macedum se iungere castris
 Hijs ducibus; macedo breuius iam deside phæbo
 Est aggressus iter: incedens ergo quadrato
 Agmine: sic cursum moderatur vt vltima primis
 Coniungi possit acies, iam Delyus equis
 Distichus ab vtraq; domo distabat, & ecce
 Viuere adhuc Darium Procubelus transfuga regi
 Et tantum stadijs affirmat abesse ducentis
 Sed caueatur ait; ne sic exercitus iste
 Aut in compositas eat; aut incurrat inermis
 Armatas acies, patricidas acrius armat
 In cedem facinus: vbi desperatio nullum
 Iam venie superesse locum sub pectore clamat
 Hijs super accensi proceres, maiorq; sequendi
 Creuit Alexandro seruilia castra cupido
 Ergo fatigati; laxis foduntur habenis
 Et grauius solito; stimulos audire iubentur
 Cornipedes: sumptisq; volant per inania pennis
 Iam sonus audiri; strepitusq; fragorq; rotarum

LIBER SEPTIMVS

Ceperat a grais, & pars aduersa videri
 Possit ab aduersis; nisi pulueris horrida nubes
 Intuitum eriperet; paulo subsistere grecos
 Iussit Alexander; donec cessante procella
 Pulueris, hostiles possent agnoscere turmas
 Bessus, vt obliquum sedato puluere lumen
 Flexit, & aerij de vertice montis anhelos
 Vidit adesse viros; armorum luce quirites
 Splendere; & peditum ferro lucere cateruas
 Horruit aspectu, & gelido labefacta pauore
 Pectora, monstriferę timuerunt conscia culpę
 Econtra viso macedum gens aspera Besso
 Accelerat gressum, fusoq; per ardua cursu
 Estuat imparibus concurrere viribus hosti
 Nam si tantum animi; tantum vigoris haberet
 Ad bellum Bessus, & martis munera; quantum
 Ad facinus; tantumq; valeret in agmine, quantum
 In gestu sceleris; & proditione valebat
 Pellei poterat; macedumq; retundere vires
 Vlcisicq; asyam, nam Bessi castra sequentes
 Barbarici; tantum prestabant robore; quantum
 Et numero grais; somnoq; cibisq; refecti
 Magna fatigatis pugne documenta daturi
 Viribus alternam multum conferre quietem
 Sed macedum terror; & formidabile terris
 Nomen Alexandri; momentum non leue bellis
 Aduertit puidos, & desperare coegit

ALEXANDREIDOS

Vinci posse viros: fugit indignantibus armis
 Seditiosa cohors: versisq; in pectora dorsis
 Degeneres rapuere fugam: tum vero nephandi
 Participes sceleris accincti pectore toto
 Ad scelus extremum: Darium descendere curru
 Utq; alacer conscendat equum: vitamq; labore
 Conseruare fuga: monitis hortantur & instant
 Ille venenosos monitus & dicta repellit
 Vitoresq; deos testatur adesse: fidemq;
 Acris Alexandri lachrimis implorat obortis
 Secq; negat scelerum comitari velle clientes
 Nullus ait mortis metus aut violentia fati
 Compellet Darium: scelerum se iungere castris
 Non habet vltterius quod nostris cladibus addat
 Fortuna gladius: mors quam patricida minatur
 Antidotum meroris erit, mortisq; venenum
 Pro medicamentis: curaq; laboris habebō.
 His super accensi patricide: corde sub alto
 Conciunt bilem, dominumq; patremq; cruentis
 Confodiunt iaculis: & in ipsum grandinis instar
 Spicula concutunt: quem tandem vulnere multo
 Pectora confossum: sparsumq; cruore relinquunt
 Et fugitiua sequi ne longius agmina possint
 Curribus assuetos iuga regia ferre iugales
 Afficiunt telis gladijsq;, duosq; clientes
 Quos habuit comites in vita, mortis eidem
 Esse iubent socios: & eodem funere mergunt

LIBER SEPTIMVS

Quo facto, vt tantilateant vestigia monstri
 Diuisere fugam, festinat bracta subire
 Bessus, Narbasones hyrcanos visere saltus
 Dispersi fugiunt alij; quos vel metus vrget
 Vel spes in dubijs semper comes optima rebus
 Quingenti tantum se collegere quirites
 Qui pro iusticia; patrięq; iacentis honore
 Elegere mori; macedumq; resistere turmis
 Vel quia sperabant armis extendere vitam
 Vel quia turpe fuit regi superesse perempto
 Dum tamen ancipiti sermonum barbara motu
 Diffinit legio; melius ne sit; hoste propinquo
 Terga dedere fuge; grais ve opponere pectus
 Ecce triumphantis animi pernicibus alis
 Vecta superuenit macedum manus; omnibus arma
 Omnibus & vires; & martius omnibus ardor
 Iam fragor & belli rursus nouus ingruit horror
 Non timido fuga; nec prodest audacia forti
 Ceduntur fortes; timidi capiuntur; & ecce
 Res indigna fide, dictu mirabile plures
 Captiuū quam qui caperent; numerumq; ligantum
 Prædonumq; grauis excessit copia prædę
 Non magna sine laude tamen cecidere rebelles
 Aduersę partis clari ter mille quirites
 Nec cedis rancor; nec funeris ira quieuit
 Donec Alexandro gladij reuocante furorem.
 Cedibus abstinuit cedi deuota iuuentus

ALEXANDREIDOS

Tum vero intactum pecudum de more superstes
 Agmen agebatur, nec erat vestigia toto
 Agmine qui Darij grais ostendere posset
 Singula scrutantur Perfarum plaustra; nec vsquam
 Dedecus inueniunt fati regale cadauer
 Regis, enim stricto deserto calle iugales
 Pectora confossi iaculis in valle remota
 Costiterant: mortem Darijque suamque gementes
 Haut procul hinc querulus lasciuo murmure riuus
 Labitur, & vermis solus damnatur in herbis
 Patrem riuus habet fontem: qui rupe profusus
 Purus in expressis per saxea viscera guttis
 Liquitur, & siccas humectat nectare glebas
 Ad quem vir macedo post martem fessus anhelus
 Ore Polistratus sitis incumbente procella
 Ductus: vt arentes refoueret flumine fauces
 Curriculum Darij vitam exalantis opertum
 Pellibus abiectis iumenta que faucia vidit
 Vidit, & accedens confossum vulnere multo
 Inuenit Darium, turbatum lumina mortis
 Inter & extremę positum confinia vite
 Cunque rogaretur Indo sermone quis esset
 Gauisus: quantum perpendi ex voce dabatur
 Fortune presentis ait mortisque propinque
 Hoc vnum Dario & solum solamen habetur
 Quod tecum mihi non opus est interprete lingua
 Quod loquor extremum discretis auribus: & quod

LIBER SEPTIMVS

Non erit extremas inuanum promere voces

O quam grata mihi macedum presentia regis

Effet, vt audiret me tam pius hostis; & eius

Colloquio fruerer; vt mutua verba ferendo

Sedaret veteres belli breuis hora querelas

Quem quia fata negant; o quisquis es accipe; & ista

Perfer Alexandro; post hoc certamina magni

Debitor intereo; multumq; obnoxius illi

Quod matrem Darij prolemq; modestus & ire

Immemor hostilis clementi pectore fouit

Quod non hostilem qualem decet esse tyrannum

Sed regalem animum victis vultumq; serenum

Exhibuit victor; hostiq; fidelior hostis

Quam noti ciuesq; mei; donata per illum

Vita meis; vitam mihi subripuere propinqui

Regna quibus vitamq; dedi; miserabile dictu

Quorum presidio tutus vel ab hostibus esse

Debuerat Darius ab eis occisus & inter

Hostes incolumis stans; labitur inter amicos

His precor a iusto reddatur principe talis

Talio pro meritis; qualem patricida meretur

Quamq; repensurus mihi si fortuna triumphum

Concessisset eram; nec enim discrimine solum

Alea versatur mea; sed communis eorum

Qui presunt turbe; & populi moderantur habenas

In me causa agitur; decernat pondere iusto

Magnus, que tantum maneat vindicta reatum

n iij

ALEXANDREIDOS

Et noua flagitij scelus expiet vltio tanti
 Quam si distulerit: vel forte remissius equo
 Egerit, illustris minuetur opinio regis
 Decolor, & fame multum diuersa priori
 Adde quod a simili debet sibi peste cauere
 Rex pius, & subiti vitare pericula casus
 Et cum iusticie status hic versetur: & illuc
 Vtilitas vno tueatur vtrumq; rigore
 Hoc vnum superos votis morientibus oro
 Inferniq; cahos: vt euntibus ordine fatis
 Totus Alexandro famuletur subditus orbis
 Magnus & in magno dominetur maximus orbe
 Vtq; mihi iusti concessio iure sepulchri
 A rege extremi non inuideantur honores
 Sic ait, & dextram tanquam speciale ferendam
 Pignus Alexandro græco porrexit, eiq;
 Letifer irrepsit: per membra rigentia somnus
 Et facer irrupens luteo de carcere tandem
 Spiritus hospitium miserabile carnis abhorrens
 Prodiit: & tenues euanescit liber in auras
 Foelices animę: dum vitalis calor artus
 Erigit infusos: sed preguustare daretur
 Quę maneat manes decurso tempore: iustos
 Pręmia: quę requies; & quam contraria iustis
 Impius expectet, non nos funestus habendi
 Irretiret amor; nec carnis amica libido
 Viscera torreret; sed nec pre diuite mensa

LIBER SEPTIMVS

Patrum forberet obscenus iugera venter
Sed neq; ferrato detentus carcere bacchus
Frenderet horrendum fracturus dolia; nec se
Inclusum gemeret sine respiramine liber
Non adeo ambirent cathedre venalis honorem
Symonis heredes; non incentiua malorum
Pollueret sacras funesta pecunia sedes
Non aspiraret; licet indole clarus auiti
Sanguinis impubes; ad pontificale cacumen
Donec eum mores; studiorum fructus & etas
Eligerent; merito non suffragante parentum
Non geminos patres; ducti liuore crearent
Pregicerentq; orbi; sortiri a cardine nomen
Non lucri regnaret odor; peruertere normam
Iudicij; nollet corruptus munere iudex
Non caderent hodie nullo discrimine; sacri
Pontifices quales nuper cecidisse queruntur
Vicinq; modico distantes equore terre
Flandria Robertum cesum dolet, Anglia Thomam
Sed quia labilium seducta cupidine rerum
Dum sequitur profugi bona transitoria mundi
Allicit illecebris animam caro. non sinit esse
Principij memorem; vel cuius imaginis instar
Facta sit & quorsum resoluta carne reuerti
Debeat. inde boni subit ignorantia veri
Inde est; quod spreta cupimus rationis habena
Quod natura negat. facinus quoq; promptus ad omne
Non reueretur homo; quod fas & iura verentur

ALEXANDREIDOS

Inde est: quod regni flammatus amore fatelles
 Non reuerens homines; non curans numina Bessus
 Et patris & domini fatalia fila resoluit.

Te tamen o Dari: si quæ modo scribimus olim
 Sunt habitura fidem; Pompeio Francia iuste
 Laudibus æquabit, viuet cum vate superstes
 Gloria defuncti nullum moritura per eum
 Magnus ut accepit Darium expirasse citatum
 Turbidus accelerat gressum; inuentumq; cadauer
 Perfudit lachrimis; & compluit vbere fletu
 Sedit complois manibus;positoq; rigore
 Principis effusum genuit; doluitq; iacentem
 Quem stantem ut caderet totiens incusserat ante
 Ergo ubi purpureo lachrimas siccauit amictu
 Purgauitq; genas; miseris mortalibus inquit
 Hoc solum releuamen inest; quod gloria mortem
 Nescit, & occasum non sentit fama superstes
 Si iuste meritis respondet gloria fame
 Nulla tuos actus poterit delere vetustas
 Nec te posteritas rex Persidis inclite Dari
 Oblinet; aut veterum corrodet serra dierum
 Claresces titulis; totoq; legeris in orbe
 Ausus Alexandro; macedumq; resistere fati
 Si mihi te viuum seruassent omine fausto
 Fata iugo macedum leuius nihil esse probares
 Vno rege minor tantum; magnoq; secundus
 Iura dares alijs, in regni parte receptus

LIBER SEPTIMVS

Sed quia serules non permiserunt caterue
 Quę patris emeritam ferro rapuere senectam
 Vt clemens victo laudaret victor ab hoste
 Quod solum licet vltorem defunctę relinques
 Hostibus infandis habuisti quem prius hostem
 Sic mihi contingat bellis oriente subacto
 Hesperios penetrare sinus: classemq; minacem
 Occiduis inferre fretis: cursuq; reflexo
 Gallica gręcorum dittoni subdere colla
 Sic mihi dent superi traiectis alpibus vna
 Cum populis ligurum romanas frangere vires
 Dixit, & exequijs solito de more solutis
 Regifico sepelit corpus regale paratu
 Membraq; condiri iubet, & condita recondi
 Maiorum tumulis: vbi postquam condita celsa
 Pyramis erigitur: niueo quę marmore culta
 Ingenio docti superedificatur Apellis
 Coniunctos lapides: infusum fusile rimis
 Alterno interius connectit amore metallum
 Exterius quantumq; patet iunctura: figuris
 Incultum varijs rutilans intermicat aurum
 Quatuor ex equo distantibus arte columnis
 Sustentatur onus: quarum iacet gręca basis
 Argento stilus erigitur: capitella recocto
 Imperitant auro: fornacibus eruta binis
 Has super exstructa est: tantę fuit artis Apelles
 Lucidior vitro pacato purior amne

ALEXANDREIDOS

Crifallo fimilis. celiq; volubilis inftar
 Concaua; teftudo librati ponderis. in qua
 Forma tripertiti pulchre defcribitur orbis
 Hic aſie ſedes late diffunditur; illinc
 Subſidunt gemine ſpacio breuiore ſorores
 Hinc certis diſtineta notis; loca; flumina. gentes
 Vrbes; & ſilue; regiones; oppida; montes
 Et quecumq; vago concluditur inſula ponto
 Indigeat que terra; quibus que rebus abundet
 Frugifera eſt lybie; vicinis ſirtibus; hamon
 Mendicat pluuias. Egyptum nylus opimat
 Indos ditat ebur; veſtitatq; litora gemmis
 Affrica preſendit magne carthaginis arces
 Grecia diuinas; fame immortalis athenas
 Pallantea domus; roma creſcente ſuperbit
 Herculeis gadibus. hyſpania thure ſabeo
 Francia militibus; celebri campania vino
 Anglia blanditur; ligures amor vrit habendi
 Artuito Britones; ſolito Normandia faſtu
 Theutonituſq; ſuum retinet de more furorem
 Lubricus extremas tantę teſtudinis horas
 Circuit oceanus; aſiam tractuſq; duarum
 Oppoſito medius; diſcriminat obice pontus
 Pontus diſtortis in quem vaga flumina ripis
 Omnia deſcendunt; & eo ducente recuruos
 Flexa per amfractus magnum labuntur in equor
 Et quia non latuit ſenſus Danielis apellem
 Aurea ſignauit epygramate marmora tali

LIBER SEPTIMVS

Hic situs est aries typicus duo cornua cuius
 Fregit Alexander totius malleus orbis
 Preterea hebreos: & eorum scripta sequutus
 Preteriti serie reuoluta temporis annos
 Humani generis a conditione notauit
 Vsq; triumphantis ad bellica tempora magni
 In summa annorum bis milia bina leguntur
 Bisq; quadringenti; decies sex; bisq; quaterni
 Interea meritos ad donatiua maniplos
 Inuitat macedo: gemitus & vulnera: largis
 Curat muneribus: & ydonea tempora nactus
 Solennes epulas: & bacchi gaudia: totis
 Instaurat castris: ergo dum pocula tractat
 Delicijq; vacat diffusus in ocia miles
 Ecce repentinus vicium solenne vacantis
 Militie rumor: subito ferit agmina motu
 Fertur Alexandrum: post prospera bella tumentem
 Hostibus afflictis: & adepta Perfide: velle
 Ad patrios fines & dulcia regna reuerti
 Ergo auidi reditus: quamuis actore careret
 Rumor discurrent lympharum more: per omnes
 Castrorum uicos: aptant tentoria plaustris
 Sarcinulasq; & vasa legunt castrentia: tanquam
 Mane paretur iter: oritur per castra tumultus
 Letitig: iunctasq; ferunt ad sydera palmas
 Rumor vt attonitas inuicti principis aures
 Impulic: occultus animum perterruit horror

ALEXANDREIDOS

Contraxitq; furor laxas rationis habenas
 Mox ubi mens redijt: domito reuocata furore
 Præfectos iubet acciri: lachrimisq; profusis
 Limite de medio terrarum a ciuibus orbem
 Auferrî sibi conqueritur: virtutis in ipso
 Limine Alexandro mundi totius apertum
 Præcluditq; imperium: nihil in patriam nisi probra
 Fortunam victi se non victoris ad agros
 Esse relaturum: tantis obfistere ceptis
 Inuidiam superum: qui fortia pectora semper
 Alienant: patrieq; trahunt natalis amore
 Indecoreq; viros: sine nomine velle redire
 Ad patrios ortus: indulto tempore magna
 Laude recurfuros applaudit curia regi
 Permittuntq; suas in cuncta pericula vires
 Iuffa fequuturos proceres: & nobile vulgus
 Si modo blanditijs dubias permulceat aures
 Ergo tribunali pofito: ducibusq; citatis
 In facie procerum plebisq; astante caterua
 Cæpit Alexander: reuolentibus inquit amici
 Geftarum vobis titulos & nomina rerum
 Non mirum eft patrias vobis occurrere fedes
 In quibus illuftres decantet fama labores
 Et celebras veftas attollat gloria pugnas
 Libera iam veteri Perfarum patria: per vos
 Eft exempta iugo: Fenicem: Perfida: Medos
 Armenos Scitiam veftri domuere lacerti

LIBER SEPTIMVS

Lybia Capadoce Parthi Cylicum iuga: vestro
 Succubere iugo: terras mihi vestra subegit
 Plures asperitas: alijs quam regibus vrbes
 Lubrica fors dederat: ergo si cuncta maneret
 Terrarum quas tam celeri virtute subegi
 Perpetuo mecum possessio foedere fixa
 O ciues etiam vobis retinentibus vltro
 Ad patrias vrbes: dulcemq; erumpere terram
 Optarem: matrem geminalq; videre sorores
 Et parta pariter vobiscum laude potiri
 Sed nouus est nec adhuc firma ceruice tenetur
 Imperij status: & nondum subeuntibus equa
 Barbaricis ceruice iugum victoria nutat
 Ergo breuis nobis opus est assuetudine: donec
 Barbara mollescant accepto tempore corda
 Et peregrina suos deponant pectora mores
 Nam mora maturat fruges. & musta statuto
 Tempore mitescent quamuis expertia sensus
 Quod natura nequit animos & corda ferarum
 Mulcet longa dies: seuum indomitumq; leonem
 Mitigat humani manus: & vox blanda magistri
 Vicistis Persas: sed non domuistis. & ipsi
 Armis: non morum cohibentur lege: futuri
 Quos modo presentes metuunt absentibus hostes
 Et licet extincto Persarum principe inultus
 Bessus adhuc superest: hostis patricida retento
 Narbafonesq; suos coeunt in prelia regno

ALEXANDREIDOS

Proh pudor. eternum nati seruire clyentes
 Per scelus extremum parta ditione cruentas
 Extendunt ad scepra manus. sed sicut in egris
 Omnia corporibus medici uocitura recidunt
 Sic nihil a tergo quod discedentibus obftet
 Esse relinquendum. refecandumq; arbitror esse
 Quicquid obesse potest regno post terga relicto
 Parua solet magnis causam prestare ruinis
 Cum neglecta fuit modice scintilla fauillę
 Tutior ut maneat hostis nihil est quod ab hoste
 Despicias tuto: fit quem neglexeris ille
 Fortior hoc ipso multoq; valentior hostis
 Vicinus idcirco Darium ut Besso patricidę
 Cederet imperium. procul hunc arcere pudorem
 Terrarum domini: breuis est labor & via nobis
 Quadriduum superest iter: ut diuortia mortis
 Querere nulla queat Bessus patricida: tot amnes
 Tot iuga transfistis: tot proculcastis hyatus
 Horrendosq; lacus. tot saxa: tot inuia vobis
 Peruia fecistis: non vos mare diuidat estu
 Fluctiuago: sed prona iacent & plena triumpho
 Omnia vicina est: & in ipso limite palma
 Vincendi restant pauci: memoranda per eum
 Gloria. cum seruos nostro mediante labore
 Audierit domino penas soluisse perempto
 Credula posteritas. dignus labor hercule nullum
 Quem patris occisi condemnat opinio nostras

LIBER OCTAVVS

Effugisse manus, hoc vno miles honorem
Perpetuare tuum, Perfas Asyegq; fauorem
Conciliare potes: sic fatur: & ecce paratas
Attollunt cuncti quecunq; in prelia dextras
Seq; sequuturos per summa pericula spondent
Vnanimes letiq; senes hylariscq; iuuentus
Ergo audis pugne tentoria vertere magnus
Imperat, & rapido cursu bacchatur in hostem



¶ Argumentum

Ircanos domat octauus; nec iniqua
ferentem

Vota pharetratam presentat Ama-
zona regi

Vruntur gaze macedum: mirabile factu
Detegitur facinus Dymi: sequiturq; nephandus
In castris gemitus: oratio / morsq; Philote
Impius attrahitur: monstrum implacabile Bessus
Suspensusq; piat manes patricida paternos
Arma Scitis infert macedo: legatio postquam
Nil agit, & monitus non flectant principis iram
Gens iniuncta prius victori subditur orbis.

¶ Liber Octauus.

MEnnonis eterno deplorans funera luctu
Tertia luciferos terras aurora per omnes
Spargebat radios: cum fortis & impiger ille
Terrarum domitor: in cuncta pericula preceps
Hyrcanos subjicit armato milite fines